



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 3. Cæsar datis ad Cardinales literis conquestus de Pontifice.

[urn:nbn:de:hbz:466:1-66472](https://nbn-resolving.de/urn:nbn:de:hbz:466:1-66472)

meret, pro nostra justificatione, & innocentia, omnia hucusque gesta ad sacri generalis Sæcul.XVI. A.C.1527. Concilii cognitionem & judicium remitemus. Nos enim cum ex his, aliisque sat notoriis caussis turbari videamus Ecclesiæ statum, ipsum Sacrum universale Concilium implorandum censemus.

In altera epistola Cæsar majori moderatione usus Papam obtestatur, ut Christiani populi calamitatibus prospiciat, nos enim, inquit Carolus, ipsum Deum testamur, pro virili semper conatu^ros esse, ut & Sanctitas vestra, ceterique Christiani Principes intelligent, nihil æque nobis cordi esse, quam Dei gloriam, ejusque populi salutem, pacem, & tranquillitatem ferventiori studio in dies stabilire.

§. III.

Cæsar datis ad Cardinales literis conquestus de Pontifice.

Interjectis aliquot diebus Cæsar ad Cardinalium Senatum dedit literas, quibus suas querendi rationes exposuit, ac dissidii caussas in Pontificem conjectit, eoquod foedere cum Gallis inito pacem stabilitam turbasset, *cum tamen*, inquit Imperator, nullum unquam Cæsarem nec Principem fuisse profiteamur, qui majori (ne tanta quidem) sit, ac observantia sanctam Sedem Apostolicam veneratus, ac cete-

*Eccl. XVI. ris posthabitum majori studio ejus dignitatem
A.C. 1527. tutatus sit; atque ideo importunas Germaniae*

preces contra oppressiones, quas a Sede Romana pati, cum in Wormatiensi conuentu essemus, passim conquerebantur, obturatis auribus pro innata nostra erga Apostolicam Sedem obseruantia audivimus. Spierensem etiam congregationem gravissimis paenitentiis prohibuimus; verebamur enim, ne hujusmodi conciliabulum Germaniam a Romani Pontificis obedientia diverteret; Germanis tamen polliciti sumus, quanto citius fieri posset, generalis Concilii indictionem fieri curaturos. Hac de re ad Pontificem scripsimus, qui tamen generalis Concilii petitionem in tempus magis conveniens differendam censuit. Si igitur Papa votis nostris in indictione Concilii generalis annuere negaverit, tunc sacrum vestrum collegium hortamur, ut Papa negante, aut plus aequo differente, vos debito ordine procedentes illius indictionem non differatis, protestantes, si quid inde incommodi, ac detrimenti Romanae Ecclesiae, & Reipublicae Christianae accesserit, id non nostra, sed vestra culpa futurum. Si vero vos aequissima hujusmodi postulata nostra concedere negaveritis, nos pro nostra erga Deum gratitudine proque dignitate nostra Imperiali, quibus licebit remediis, ita in his pro viribus, providere curabimus, ut Christianae Reipublicae saluti, paci, & tranquilitati nullo modo defuisse videamur. Deserban-

rebantur hæ literæ non modo ad sum- Sæcul.XVI.
mum Pontificem, sed etiam ad ipsos A.C.1527.
Cardinales exeunte Mense Decembri;
ast per illas nec mutata fuit rerum fa-
cies, nec Pontifex adhucdum flecti po-
terat.

§. IV.

*Papa Venetique a Franciæ & Angliæ
Regibus delusi.*

Ceterum Imperator bellum contra Ve-
netos adoriebatur, spe fretus, quod
Franciscus I. validum exercitum sub-
mitteret, & Angliæ Rex irruptione in
Belgium facta vel hostem alio diverte-
ret, vel saltem pro more suo ad belli
sumptus pecuniarum subsidia suppedita-
ret; quippe Anglus in præcedentibus
bellis tanta facilitate aurum opemque
præstabat, ut Foederati, quamvis nec
sancita pace nec factis induciis Angliæ
Regis commoda procurare studerent,
nihilominus in ejus pecuniis velut in
certo auxilio fiduciam suam reponerent.
Attamen mutata temporis, rerumque vi-
cissitudine Henricus propriæ experientiæ
magisterio sapere incœpit, nec ultra alio-
rum compendia cum proprii æris damno
promovere statuit; accessit etiam, quod
ærario Patris sui penitus exhausto, non